

# Dal «co e cu» po ins anc discutir

Claudio Lardi vesa en il mument nagin motiv per in moratori davart il rg en scola

DA GIERI ANTONI CAVIEZEL

■ Davart la dumonda rumantsch grischun (rg) gea u na dettia i el mument nagut da discussiunar. Davart il co, cu e cum sappia ins debattar suenter ch'il concept saja avant maun, ha Claudio Lardi ditg en connex cun la charta averta a la regenza grischuna partenent il rumantsch grischun en la scola fundamentala rumantscha. La brev averta suttascritta da 180 personas rumantschas cunter l'introducziun integrala dal rg en scola a partir da 2010 saja vegnida tractada mo a l'ur da la seduta da la regenza dad ier, ha el confermà. Ils commembers da la regenza han dentant gè anc nagin temp da sa profundir en la tematica. Ins prendia serius la charta sco era la petiziun ed auters mainis e vegnia era a responder questa. «In motiv d'agir, respectiv da surreagir na datti betg el mument per la regenza.» Sursrà è Claudio Lardi ch'ìls auturs da la charta criticheschian in concept che na saja anc fatg. «Che autras personas cun anc



**Per Claudio Lardi stat la dumonda rg gea u na dapreschent betg en discussiun, davart il co e cu dettia il concept las respostas.**

10

main invista che jau sajettan gia scharf encunter il concept dat da patratgar.»

## La simpatia per il rumantsch patischa

Claudio Lardi avertischa ch'in moratori davart l'applicaziun dal rg saja privlus. Cun girar en rudè

e spetgar na sappia ins schliar ils problems. «Mes pli grond quità è ch'ìls Tudestgs svizzers perdan la pazienza e midan maini. Anc giada il rumantsch blera simpatia, ma quant ditg?», sa dumonda Claudio Lardi. En divers artitgels en las gasettas da la Bassa saja vegnì renfatschà als Rumantschs da

na esser abels da realisar in linguatg unifitgà e da na vegnir perina davart ina gasetta quotidiana. Questas tendenzas na sajan bunas.

## Clera incumbensa per mes departament

Il cussegl grond haja decidi da realisar ils meds d'instrucziun novs a partir da 2005 mo en rg pli e ses departament haja l'incumbensa d'exequir questa decisiun. El gnanc sappia far insatgè auter. Claudio Lardi: «La dumonda rg gea u na sai jau betg responder en mia posiziun e situaziun cun in na.» Davart cu e co ins veglia proceder vegnia ins er a resguardar ils divers mainis d'ordvart il departament. Ultra da quai stoppia ins avair sco politicher ina pel dira. Perquai na vegnia el era betg a midar cassatga dad in mument sin l'auter. Claudio Lardi è ferm persvadi ch'il rumantsch grischun gioghia ina rolla impurtanta per l'avegnir da questa lingua. «La ferma pressiu sent'jau, ma questa na po midar la direcziun prida.»